



Reykjavík, 28. júní 2016

Tilv. 8.1

GG/sl

FESTA miðstöð um samfélagsábyrgð
B.t. Ketils B. Magnússonar, framkvæmdastjóra
Menntavegi 1
101 Reykjavík

Efni: Yfirlýsing um loftslagsmál.

Faxaflóahafnir sf. hafa á síðustu mánuðum og reyndar árum unnið að ýmsum umhverfismálum sem varða stafsemi fyrirtækisins og starfsemi viðskiptavina þess. Verkefni fyrirtækisins eru þess vegna tvíþætt.

Hvað starfsemi Faxaflóahafna sf. varðar þá hefur grænt bókhald verið fært síðastliðin 10 ár þar sem m.a. kemur fram hver kolefnislosun er af starfseminni og hins vegar söfnun úrgangs og sorps frá skipum. Megin niðurstaðan á árinu 2015 með samanburði við árið 2014 er þessi:

- Sorp af hafnarsvæðum minnkaði sem nemur 109.553 kg., sem er um 33% minnkun. Móttaka á sorpi er nú skráð með öflugri hætti en áður í samræmi við lög um verndun hafs og stranda. Úrgangur sem fór til viðurkenndrar förgunar var 73%, en 27% úrgangsins fór til endurvinnslu.
- Útstreymi gróðurhúsalofttegunda árið 2015 var um 610.000 kg.CO₂ ígildi. Aukning varð á milli ára um 3,2%, en aukin skipaumferð og koma stærri skipa en áður leiðir af sér aukna brennslu skipaolíu þar sem megin uppsprettar CO₂ innan fyrirtækisins verður til við notkun lóðs- og dráttarbáta fyrirtækisins. Markmið Faxaflóahafna sf. er að draga úr olíunotkun. Lóðs- og dráttarbátarnir hafa því verið útbúnir á þann hátt að í viðlegu nota þeir rafmagn og heitt vatn í stað eldsneytis.
- Faxaflóahafnir sf. vinna nú að uppbyggingu stjórnkerfis fyrir umhverfismál og er stefnt að vottun þess samkvæmt staðlinum ISO14001. Í þeiri vinnu verða sett ítarlegri markmið um þá umhverfispætti sem m.a. snúa að sorpi og losun á CO₂.

Faxaflóahafnir sf. hafa verið í góðu samstarfi við viðskiptavini fyrirtækisins sem eru með útgerð skipa af ýmsum stærðum. M.a. hefur fyrirtækið unnið að eftirfarandi:

- Stjórn Faxaflóahafna sf. hefur samþykkt að öll skip sem geta tekið landrafmagn skuli gera það á meðan viðlegu stendur. Árangur hefur orðið af þessari ákvörðun og viðhorf eigenda skipa er almennt jákvætt til þessarar samþykktar.
- Stjórn Faxaflóahafna sf. hefur mælt með því að af hálfu ríkisins verði svonefndur VI. viðauki Marpol samnings staðfestur þannig að efnahagsløgsaga Íslands verði lýst ECA svæði (Emission Controled Area). Verði sú ákvörðun tekin mun losun á CO₂ minnkuð að einhverju marki en mestur ávinnungur verður af minni losun brennisteinsefna. Með samþykkt viðaukans yrði hreinna eldsneyti notað á skip en svartolía víkja. Að mati Faxaflóahafna sf. er verkefnið brýnt auk þess sem það mun skila verulegum árangri. Minnisblað varðandi efnið og rafvæðingu er meðfylgjandi.
- Faxaflóahafnir sf. hafa þegar hafið framkvæmdir við að styrkja lágspennukerfi hafnarinnar, sem þýðir að unnt verði að landtengja fleiri skip en nú er. Í lágspennukerfi eru þó takmörk á stærð þeirra skipa sem unnt er að landtengja.

- d) Faxaflóahafnir sf. hafa í samstarfi við Orkuveitu Reykjavíkur og Háskóla Íslands hafið ítarlega skoðun á með hvaða hætti þarf að standa að verki ef tengja á stærri skip við háspennuverfi. Ljóst er að slíkt verkefni er mjög kostnaðarsamt og áhersla lögð á samstarf og þátttöku ríkissjóðs í slíku verkefni ef árangur á að nást.
- e) Faxaflóahafnir vinna eftir lögum og reglugerðum um skráningu sorps frá skipum. Markmið þess er að skip skili sorpi á land til förgunar eða endurvinnslu. Útgerðir skipa hafa verið jákvæðar gagnvart verkinu og nýlega var undirritað samkomulag Umhverfisráðuneytis, SFS og Hafnasambands Íslands um að sorp frá fiskiskipum verði skráð þó svo að lög og reglur taki ekki sérstaklega til þeirra skipa.
- f) Faxaflóahafnir sf. vinna nú að því með HB Granda hf. að auka möguleika HB Granda hf. á að landtengja öll skip fyrirækisins bæði með rafmagni og heitu vatni. HB Grandi hefur að auki reist sérstaka sorpmóttökustöð í Örfirisey, sem þjónar starfssemi fyrirtækisins.
- g) Vert er að nefna að á Grundartanga hefur verið rætt um aukna skógrækt m.a. til kolefnisjöfnunar og verður unnið áfram að því máli, enda þeir aðilar sem málið varðar jákvæðir um þátttöku. Á Grundartanga var Katanestjörnin endurheimt fyrir nokkrum árum sem liður í því að auka kolefnisjöfnun.

Ofangreint er stutt samantekt um stöðu mála, en Faxaflóahafnir sf. vinna að ýmsum umhverfismálum auk ofangreinds m.a. með sýnatöku á sjávargæðum á hafnarvæðum fyrtækisins, mælingum á lýsingu, ljósagni og hljóðvist. Með vottuðu umhverfistjórkerfi munu ýmsir mælikvarðar verða settir og fylgt eftir í samræmið við þá stefnu sem samþykkt verður.

Virðingarfyllst,

Gísli Gíslason, hafnarstjóri

Samrit:
Loftslagshópur Reykjavíkurborgar
Hjálagt:
Minnisblað hafnarstjóra, dags. 27. apríl 2016